



**LJEKARSKA – LIJEČNIČKA KOMORA
KANTONA SARAJEVO**

Ul. Sprečanska 5/III, Sarajevo

Broj: 1196/2023

Sarajevo, 27.10.2023. godine

Na osnovu člana 24. Statuta Ljekarske-Liječničke komore Kantona Sarajevo /u daljem tekstu Komora/, na sjednici redovne izvještajne Skupštine Komore održane dana 27.10.2023. godine, Skupština je donijela sljedeću:

O D L U K U

Član 1.

Ovom odlukom usvaja se inicijativa Upravnog odbora Komore, kojom će se izvršiti izmjene, dopune Odluke o upisnini i visini iznosa članarine za članove Ljekarske – Liječničke komora Kantona Sarajevo, i to prema sljedećem:

Dopunjuje se stav 2. člana 1. Odluke o upisnini i visini iznosa članarine za članove Ljekarske – Liječničke komora Kantona Sarajevo, koji glasi:

U slučaju ponovljenog upisa nakon što je ljekaru na vlastit zahtjev prestalo članstvo u Komori sukladno aktima Komore, obavezan je platiti upisninu u iznosu od 250 KM (slovima: dvije stotine i pedeset konvertibilnih maraka).

Dopunjeni stav 2. člana 1. Odluke o upisnini i visini iznosa članarine za članove Ljekarske – Liječničke komora Kantona Sarajevo, sada glasi:

U slučaju ponovljenog upisa nakon što je ljekaru na vlastit zahtjev prestalo članstvo u Komori sukladno aktima Komore, obavezan je platiti upisninu u iznosu od 250 KM (slovima: dvije stotine i pedeset konvertibilnih maraka). Ova odredba se ne primjenjuje na ljekare koji podnesu zahtjev za ponovni upis u roku od 30 dana nakon što im je prestalo članstvo, već se primjenjuje stav 1. člana 1. Odluke o upisnini i visini iznosa članarine za članove Ljekarske – Liječničke komora Kantona Sarajevo.

Briše se stav 1 člana 2 Odluke o upisnini i visini iznosa članarine za članove Ljekarske – Liječničke komora Kantona Sarajevo, koji glasi:

Članarina za ljekare, članove Komore iznosi 10 KM (slovima: deset konvertibilnih maraka) mjesečno.

Članarina za ljekare – penzionere, članove Komore koji su radon aktivni iznosi 10 KM (slovima: deset konvertibilnih maraka), a ostali penzioneri koji žele da budu članovi Komore 5 KM mjesečno (slovima: pet konvertibilnih maraka)

Članarina za ljekare strane državljanke iznosi 50 KM (slovima: pedeset konvertibilnih maraka) mjesečno i dužni su je platiti za čitavu godinu za koju im se izdaje licenca.

Članarina za nezaposlene ljekare iznosi 1 KM mjesečno (slovima: jedna konvertibilna marka) mjesečno.

stav 1. člana 2. Odluke o upisnici i visini iznosa članarine za članove Ljekarske – Liječničke komora Kantona Sarajevo, sada glasi:

Članarina za ljekare, članove Komore iznosi 15 KM (slovima: petnaest konvertibilnih maraka) mjesečno.

Članarina za ljekare – penzionere, članove Komore koji su radno aktivni iznosi 15 KM (slovima: petnaest konvertibilnih maraka).

Članarina za ljekare strane državljanke iznosi 50 KM (slovima: pedeset konvertibilnih maraka) mjesečno i dužni su je platiti za čitavu godinu za koju im se izdaje licenca.

Ljekari koji nisu zaposleni, nisu dužni plaćati članarinu, ali su dužni dostaviti od strane nadležnih organa uvjerenje kojim dokazuju da se na evidenciji vode kao nezaposlena osoba.

Član 2.

Ova odluka stupa na snagu danom donošenja.

Predsjednik Skupštine Komore
dr. Semin Bećirbegović

